

7-23

10

B. 3

I. N. 7.
EXERCITATIONUM ANATOMICARUM
DE
ORIGINIBUS
ANATOMICÆ,
SECUNDA,

Quam
AMPLISSIMÆ FACULTATIS
MEDICÆ CONSENSU,
PRÆSIDE
PHILIPPO JACOBO

Hartmann /
Phil. & Med. D. P. P.

*Examini Eruditorum
submittit*

CHRISTOPH. WOSCHKIUS,

Insterb. Prufs.
Anno 1683, d. Mart.

REGIOMONTI,
Typis FRIDERICI REUSNERI, SER. ELECT. BRAND.
ET ACAD. TYPOGR. HÆREDUM. 1683.



V I R O

GENEROSISSIMO, ADMODUM STRENUO, ET AN-
TIQVA PRŌSAPIA NOBILISSIMO DOMINO,

DNO, THEOPHILO à Sehwald/
Supremo districtus Insterburgensis Præsidi, &
Capitaneo Eminentissimo, Hæreditario in Ottilau/Dirsch-
felden/Secpothen/Piraginen/Schursinen/ &c.

Ut &

INCLYTÆ REIPUBLICÆ INSTERBURGENSIS

NOBILISSIMIS, AMPLISSIMIS, CONSULTISSIMIS, EX-
PERIENTIA ET RERUM USU CLARISSIMIS

DOMINIS

DN. CONSULI, PRO-CONSULI, JU-
DICI ET REL. DN. SENATORIBUS,
SPECTATISSIMIS, AMPLISSIMIS AC PRU-
DENTISSIMIS,

DN. PRÆSIDI SCABINATUS,
ET DOMINIS SCABINIS,
DNO. SECRETARIO,

Dominis meis Patronis, Mæcenatibus, Parenti,
Promotoribus ac Fautoribus ætatem *suspiciendis*,
GRATULANS,

De PRIMO à PATRIA URBE feliciter superatò SECULO,
EADEMQVE ut aureis perpetim perennet temporibus
VOVENS,

sub auspiciis SECUNDI SECULI
primitias laborum Academicorum
eà quâ par est animi devotione

D. D. D.

Christophorus Woschkus,
Insterburg, Prufs.

11

CAP. III.

I. Probatur cognitio Extispicum quoad interna membra (quorum potissimum est Anatome) exemplo hepatis. Caput extorum? Hoffmanni sententia rejicitur. Vocis Lobi & Fibrae homonymia. II. peculiaris lobi significatio: hinc à Latinis reddi, caput extorum aut fibrarum, quando non integram partem aut extremum notat. Alexandri ab Alex. opinio, quod caput extorum sit ipsum hepar, rejicitur. Rhodii. III. Bocharti, quod jothereth, non membrana, sed lobus, & quidem maximus. IV. Vera ex Anatometria victimarum, ex terrestribus, genera, boves, oves, capri, gentilibus cum judaïs communia, horum jecinora habent lobos, Veterum, non Recentiorum Anatomicorum, modò sumptâ voce. V. Suspensorium his jecinora in dextrum & sinistrum lobum dirimit. Dexter maximus est, cui vesicula fellis adhaeret; hujus apex protraheretur, isq; ipse caput extorum est, sive lobus, signum illud. legendum ἀλοφονήπια. Plutarchus graece exprimit capitis vocem Splenis apex caput dictus, &c. VI. quod jothereth sit caput extorum. ex Auctoribus, ratione: quod Omentum, Judaïs non vestum, huic in praeinguibus partem adhaereat. VII. Caput defuisse extis? autum, geminum cesum? VIII. de aliis quatuor lobis hepatis. An hi numerati sint Hippocrati? Porta in plurali? in singulari pro Vena. Origo denominationis. Quod non semper attendatur ratio numeri. IX. Trapeza? non est idem quod jothereth vel fibra. situs ejus. aliis partibus etiam hoc nomen tribuitur. X. Machera, Unguis, Canistrum, Auriga? quod Extispices etiâ Venas inspexerint hepatis.

S. I. Ut verò ulus haruspicinae in re Anatomicâ evidentior compareat, lubet alia atqve alia in medium adducere, quæ ab Extispicibus fuerunt observata. Neq; enim solum membra, eorumque conditionem, sed & particulas quibus eadem constant, accuratè satis perlustrarunt. Inprimis internorum habuerunt rationem, quod proprie dictæ Anatomes est, uti Auctor Introduct. s. Medici apud Gal. testatur: Anatomes vocabulum, etiam exteriorum corporis partium & particularum per abusum commemoratio usurpat, quæ verbis uniuscujusq; ipsorum naturalem situm, ordinem, usum, quem animanti præbent, propriam cuiq; illorum appellationem de quibus jam retulimus percenset. Interiorum verò cum sermone explicatio, proprie Anatome dicitur. Siquidem oculis eas indicatas esse, confessio non

est, sed cuiusq; noticiam ex sermone ac verbis accepisse, & naturales actiones quomodo ipsas obeant didicisse: praterea quam invicem communionem viscerum, aliq; corporis partes per venas habeant. H. I. cum quo conf. Auctor Definit. Medicarum, & Auctor Anat. parva, ap. Eundem. Insigne exemplum in hepate extat. In eo quod *Caput extorum* vocant, magnæ varietatis dicit *Plin. u. H. N. 37.* Sed quæ pars hoc nomine adeò celebrato fuerit insignita, nullus, quod sciam, Auctorum dilucidè exposuit. *Hoffmann. in 4 de Usu Part. u. 208, 209.* videtur lobos intelligere: Ubi enim de his, quod nunquam dicantur ἀνεγ. extrema; quodq; cum apud alios legitur ἤπαρ ἄλοφον, legendum ἄλοβον; subdit: *Et tamen Latini etiam capita vocant. Val. Max. l. 1. prima hostiæ jecur sine capite est inventum: proxima, caput jecoris duplex habuit. Ut jam in utramq; aurem possint dormire illi, qui quandoq; in victimis vere duplicia hepata visa fuisse, pertendunt.* H. I. Verum hoc est obscurum per æq; obscurum demonstrare. *Lobi enim vox non uno accipitur modo,* quando de corpore animalis effertur. *Aliquando integram partem visceris denotat, quæ qualicunq; interstitio ab alterâ est sejuncta.* Ita apud Hippocratem, Galenum &c. Auctores Græcos, plures lobi in hepatis, pulmonibus, promiscuè numerantur. Ubi *Aristoteles* nomine hoc abstinens, & tamen distinguens genera animalium, circuitione utitur, dicens, quod non æquè in omnibus intervallum appareat. *Vid. e. g. 1. H. A. 16. de Pulmone; & L. 2, VI. de jecore. Conf. de utroq; 3. Part. Animal. 7. Nonnunquam hâc voce extremum membri appellatur.* Testes sunt *Hesychius* λοβοὶ τῶ ἀνεγ. πάντα, κυρίως ἢ τῶ ὠτων τὰ κάτω, καὶ τὸ ἀγρίον. *Lobi extrema omnia, præcipuè aurium inferiora, & illud vas. Suidas* λοβός τὸ ἀνεγ. τῶ ὠτίω καὶ τῶ ἤπαρ. καὶ τὰ ἀνεγ. πάντα. ἀλλὰ κυρίως τῶν ὠτων τὰ κάτω. *Lobus extremum auriculæ & hepatis, & extrema omnia. sed præcipue aurium inferiora.* Has duas significationes etiam suas fecit Latinorum *Fibra. Var. 4. de Ling. Lat. S. 13* --- antiqui *Fibrum* dicebant extremum, unde in *sageis extrema simbria, & in jecore extremum Fibra.* Conf. *Sextus Pompej. Festus. & Isid. Hispal. Orig. u, 1.* Notari autem eâdem integras etiam partes, ostendunt *Celsi* loca *L. 4, 1.* ubi pulmonem in duas fibras unguulæ bubulæ modo; & jecur in quatuor dividi dicit. Item *Poëtarum* citatorum *c. II. S. IV.*

Seneca & Lucani. Quamvis aliis etiam pro quavis extorum parte sit in usu: uti *Virgilio* 1. *Georgic.* v. 484 & *Ovidio* 7. *Met.* v. 601. non minus ac vox lobi apud Græcos Poetas.

§. II. Sed peculiaris Lobi significatio, quæ hujus potissimum est loci, illa est, quâ certum in hepate expresit signum. Ita *Hesychius* in voce λοβός: --- καὶ σημεῖον ἐν τῷ ἥπατι. & signum in hepate. & *Suidas*: καὶ ἐν Ἰουδαίῃ, σημεῖόν τι ἐν τῷ ἥπατι. Et in extispicinâ, signum aliquod in hepate. Uti forte in *Æschyli* l. c. C II. §. IV. accipitur. Ita etiam apud *Arrianum* de rebus gestis *Alexandri* L. 7. Ὁ λοβός, uti legendum putat *Brisonius*: ὡς ἢ Ἰπὶ τῷ ἥπατι τῷ ἱερεὶς ὁ λοβός ἀφανὴς ἦν, postquam verò in hepate victima ille lobus inconspicuum erat. --- quod postea dicit ἀλοβον ἥπαρ, & ἀλοβον simpliciter, de *Pythagora Haruspice*. Hanc significationem Lobi, per caput extorum aut fibrarum Latini exposuerunt. Capitis autem extorum ubiqve Auctores meminere, *Capitis fibrarum* *Lucanus* l. c. C. II. §. IV.

Ecce videt capiti fibrarum increfcere molem

Aalterius capitis pars agra & marcida pendet.

Quo ipso manifestum sit, non posse per caput extorum in hepate intelligi vel integram partem, aut ejus extremum. Quæ pars igitur hepatis illo lobo fuit designata? *Brisonius* quidem L. 2. de formulis summâ fide citatis *La.* historias congescit, quibus jecur sine capite fuisse proditur, verum quid sibi caput hoc velit, de eo altum est silentium. *Alex. ab Alex. Genial. dier.* 5, 25. ipsum jecur caput extorum dici asserit. Quod tamen contra *Plinii* mentem esse, etiam *Andr. Tiraquellus* in *Annot.* innuit, & contra mentem Veterum esse inferius demonstrabitur. *Rhodium* in *Lexico Scriboniano* allegans *Livium*; Convexa partis lobum, inquit, intellige. Brutis namq, viscus hoc longè secus ac in homine, cui solidum est, variis in partes finditur. Verum *Delio* natatore hic opus, ut in Convexâ parte lobum assequaris. Neq; promiscuè omnibus brutis jecur secus ac homini finditur. de utroqve in seqq. dicendi erit locus.

§. III. *Samuel Bochartus* propius ad veritatem videtur accessisse. Hic in *Hierozoici Par.* I. L. 2. c. 45. disquirens, quæ pars tam bovini, quam ovilli & caprini jecinoris hebraicè dicatur *jothereth* *Exod.* 29, 13. 22. *Lev.* 3, 4, 10, 15. 4, 9, 7, 4, 8, 16. 25, 9, 10. ubi *Fulle-*

rum qui *Miscell. Sacr. L. 5, 14.* membranam illam tenuissimam, quæ jecur integitur, isto significari voluit, refutavit: quod DEus in sacrificiis partes victimarum optimas, h. e. optimas & pinguisimas sibi delegerit super altare suum adolendas, & in his etiam censeatur jothereth jecoris. Probat deinceps ex etymo jother (quod abundat, superest, excedit, superfluit) jothereth in jecore esse partem aliquam qua excedit, quomodo lobi, & appendices: quod ex Arabicis Interpretibus confirmat, & ex *Avicen. L. 3. Fen. 13. Tr. 1. c. 1.* cujus tamen l. c. hæc solum leguntur: quod hepar superponatur ventriculo taliter, quatenus comprehendat ipsum additionibus extensis sicut digitis. (ex *Gal. 4. de U. P.*) Sed *L. 3. Fen. 14. Tr. 1. c. 1.* illa quæ citavit, extant: Ex quo porro probat, quod maximus ille loborum hepatis, in quem vesica fellis incumbit, Arabicè zaïda vel ziada i. e. augmentum vel extuberantia καὶ ἐξοχὴν. Hebraicè verò jothereth sit appellatus. Atq; hæc, inquit, fuit pars jecoris, quam jussit DEus in altari suo adoleri. In sequentibus observans, pecuinum jecur in plures lobos dividi, atq; in illis unum esse reliquis, crassiorum & eminentiorem, hincq; græcos interpretes singulari numero dixisse πῦν λοβὸν τῆς ἥπατος: Et posse lobos hepatis adoleri demonstrans concludit: Porro fibris etiam suam inesse pinguedinem, cujus ratione potuerint cum aliis pinguioribus in altari adoleri, vel ex Persio discere est, qui ad fibrarum adipem sic alludit *Satyra tertiâ.*

*Sed stupet hic vitio, & fibris increvit opimum
Pingve, &c.*

S. IV. Ista itaq; *Bocharti mens est*, quod Lobus non quivis, sed maximus hepatis per jothereth indigitetur: atq; ita etiam caput extorum in hepate eundem lobum statuet, cum jothereth Sacri Codicis, nihil aliud esse videatur. Verum absq; Anatomicâ Scientiâ non est, qui ritè explicetur Extorum Caput. Scias autem oportet, tria potissimum fuisse terrestrium animalium genera, quæ communis usus destinarit victimis, boves scilicet, oves & capri. Quibus aliæ gentes aliâ pro diversitate rituum addiderunt. Uti suillum genus addi legimus apud *Suidam* Θύσον ἐξ Ἰουδαίᾳ ἐξ ἐμ ψύχων ἐθούλο. καὶ βάρῃ, ὄος, βοός, αἰγός. ὄρνιθος. γήνος. Sex sacrificia ex animalibus fiebant, Ove, sue, bove, capra, gallina, anser. Conf. βῆς ἰβδομ. Septimus bos. Istitis autem tribus maximè sacra facta apud
Gentiles,

Gentiles, docent literarum monumenta. Achilles Homericus non procul ab inir. Iliad. sive hic nos ob vota non reddita incusat, sive ob hecatomben: Aut si forte ovium nidorem, caprarumq; integrarum Velit assequutus à nobis pestem depellere. Lucianus de Sacrific. --- Tum autem constitutis aris, designatis sacrorum septis, puris vasis collocatis, victimas offerunt, bovem aratorem agricola, agnum opilio, caprum caprarius. --- Idem mos apud Judæos usitatissimus ex Lev. 22, 19. 20. & Josepho Antiq. Jud. 3, 10. Philone de animalibus ad sacrificia adhibitis. Mose Maimonid. More Nebochim par. 3. c. 46. Conf. Eulogius apud Photium Biblioth. CCXXX. sub fin. Cur s. solum ex mundis sacrificata, hircus, aries, bos, turtur, Columba. Horum animantium jecinora si intentius perlustramus, dilucidè rem explicabunt. Sunt autem illius naturæ, ut non lobos, quales nostræ ætatis Anatomici volunt accuratè dictos, in totum ab aliis separatos exhibeant, sed solum inferiori parte divisos superiori connexos, quales olim appellari hoc nomine consuevere, uti ex Hippocratis L. de Ossium natura, & plerisque omnibus Veteribus Medicis & Anatomicis est cognoscere, qui in his lobos agnoverunt, licet non ita sint sejuncti uti illi canum, Phocarum, murium, &c. sed à sine suspensorii hepatis crenâ solum quadam distinguantur, aliquantò quam in humano profundiori. Unde non solum Hipp. & Gal. sed & Herophilus de humano hepate apud Gal. 6. Adm An. λοβος γδ πος μὲν εἰδ' ἔχει, αἰτ' ἐστὶν ὅλον τρέφουλον καὶ ἀνορθον, τὸν ἢ δύο &c. Et enim in quibusdam ne fibras quidem habet, sed ex toto rotundum est, minusq; rectum: quibusdam duas, aliis plures: multis & quatuor obtinet.

§ V Cum autem suspensorium horum animalium hepata in sinistram & dextram partem quasi dirimat, certum est, quod maximus lobus secundum naturam dextram occupet, unde & illo nomine Auctoribus venit, huicq; vesica fellis insidet. Ita etiam Rufus Ephesius in L. de Partib. humani Corp. de jecore: καὶ ἐπὶ τῷ μεγίστῳ λοβῷ χολῆς ἀγείρον. in maximo lobo fellis vis. Pollux de vase fellis. Ἐγκείται τῷ μεγίστῳ λοβῷ quod incumbit maximo lobo. Gal. 6. Adm. An. c. 8 ἴσως γὰρ μία τοῖς ἔχουσιν αὐτὴν (χολὴν) ζῶσις ἐστὶν ἀπὸ πάντων, ἢ κατὰ τὸν μέγιστον τῶν λοβῶν ἢ ἢ παρὰ ἐν ἅπασιν τοῖς ζῶσις ἐστὶν. at situs idem ipsam (vesicam fellis) sortitis animalibus in maximâ fibrarum jecoris

jecoris perpetuò est. Dextri illius, sive maximi lobi, apex quidam acclivi quasi colliculo protuberat in memoratis pecoribus, quod egregie descriptum reliquit *Herophilus* apud *Gal. cit. 6. Adm. An. 8.* *Exactissime igitur de ipso* (hepate humano) *scribens qua septum transversum attingit, gibbum est, & laeve --- verum in omnibus non respondet, sed latitudine, longitudine, crassitie, altitudine, fibrarum numero, inaequalitate ex anteriori parte qua crassissimum est, &* (ἀνωμαλία ἢ ἐκ τῆς ἐμπροσθεν, κατὰ παχύτητα δέ, καὶ τοῖς ἀκροῖς τοῖς κύκλῳ κατὰ τὴν λεπτότητα, ἀλλήλοις ἀλλοίον.) *summitate orbiculari, qua extenuatur, invicem diversum est. Etenim in quibusdam ne fibras quidem habet &c.* ita hunc *Herophili* locum & ap. *Oribas. 24. Collect. 25.* est legere. *Conf. Glissonius de Hep. Anat. c. 11.* quod est de partibus quibusdam figuræ hepatis externæ. Huic ego apicis protuberantiæ omnia convenire arbitror, quæcunqve de capite extorum apud *Auctores* occurrunt: Hæc orbicularis summitas erit *λοβὸς* lobus signum illud in hepate haruspicinæ. Et videtur *λόφος* rectius legi apud *Auctores*, non *λοβος*; & *ἡπαρ ἄλοφον*, non *ἄλοβον*, contra quam *Brissonius* aut *Hofmannus* sensere, modò illud membranæ fide dignæ adstruant; distinctius enim hoc modo hujus particulæ conditio exponitur. Eam fanè ob causam, puto, *Plutarchus* significantiorem formulam illam Romanorum ratus, capitis nomen retinuit in *Marcello*: καὶ τῆς πρώτης πέσσοντος ἱερείου, δείκνυσιν αὐτῷ τὸ ἡπαρ σὺν ἔχον κεφαλὴν ὁμαλῆς. Ἐπιδουσα μὲν δὲ τὸ δεύτερον, ἦτο κεφαλὴ μέγεθος ὑπερφοῦς ἀνέχεν, καὶ τὰ ἄλλα φοιδρά θυματώως διεφάνη. Et primâ cadente victimâ, ostendit ipsi *hepar non habens caput Vates. macerata verò alterâ, caput magnitudine excellenti eminuit, & reliqua læta mirum in modum comparuere.* Atqve non solum in hepate, sed & in lobo caput *Idem* ponit in *Cimone*, ut illustriorem nostram reddamus opinionem, & perspicuum fiat, non posse intelligi integrum lobum, ubi capitis extorum mentionem injiciunt scriptores: καὶ παρὲν ὁ θύτης ἐπιδεικνύμενος αὐτῷ τὸν λοβὸν σὺν ἔχοντα κεφαλὴν. Similiter alias partes extantiores in visceribus capitis nomine insignitas, ejus rei documentum nobis reliquit *Rufus Ephesius L. de Partib. Corp. humani c. g. Lienis pars superior crassior. -- ὁ σπλήν. καὶ τῆς τὸ παχὺ καὶ ἀνωτάτω, κεφαλῆ. quorsum forte & λοβὸς καρδίας spectat, in Glosariis Græco-latinis Labbæi.*

Labbai. si non & λοβοὶ τῶν ἀλάγχων; *Ibid.* Idem *Rufus L. de Vesica Renumq; morbis* 1. arguit, per lobum intelligi superiorem illam partem hepatis de dextro rene disserens: καὶ γὰρ ἡ, καὶ ἐνλυτέρω ἔτος ὅτι ἡ ἥπατος, καὶ ψάθει ἡ λοβὸς ὁ δὲ ἀριστερὸς πρὸσωτέρω καὶ καίτω. Istitis congrua *Oribasius* 24. *Collect.* 27. tradit: *Dexter ren in omnibus animalibus eminent elatior. is nonnunquam magnam jecoris fibram contingit*: Ita etiam *Hippocrati l. de Anatome* ὑπεροχῶν Φώσιαις i. e. eminentias duas fuisse lobos, paulo infra videbimus. Et *Nicandro ἀκρότατος λοβὸς in Theriacis* v. 559. ἡ δὲ ἀκρότατος ἥπατος ἀκρότατον κέρσας λοβὸν. Aut ex apro supremum detondens lobum. quidam malè vertunt extremum. Simpliciter tamen capitis appellationem sibi memorata portio hepatis vendicasse videtur. Quippe cum *Appian. 2. de Bell. Civil.* de sacrificio *Cæsaris*: τῶν ἱερείων ἢ τῶ καίτωρι, τὸ μὲν πρῶτον ἀνδρὸς καρδιάς, ἢ ὡς ἔπερι λέγασιν, ἢ κεφαλὴ τοῖς ἀλάγχνοις ἔλειπε. Ex *Victimis Cæsari prima erat absq; corde, vel ut alii dicunt, Caput visceribus defuit*. Illud alii de capitis extorum in hepate defectu memorant.

S. VI. Atq̄ve ista portio hepatis citra dubium *Jothereth* *Hebraeorum* erit: siquidem præter *LXX. Interpretes*, & *Josephus* 3. *Antiqu. Judaic.* 10. illam partem voce lobi insigniter appellavit. Τὰς δὲ χειρῆρας ἱουσίας ὀπιτελευτες, -- ἡ δὲ νεφερὸς καὶ ἡ ὀπιτελευ καὶ πάντα τὰ πικρὰ, σὺν τῷ λοβῷ ἡ ἥπατος, -- ὀπιφεροσι τῷ βοιωτῶ. Quum verò pro gratiarum actione sacrificant, renes & omentum & omnem pinguedinem cum fibra jecoris -- ara inferunt. Eadem paulo post de sacrificio ejus qui per ignorantiam peccavit agens, repetit. Accedit quod *Moses* illud *Jothereth* ita describat, ac si supra jecuresset, sive superior pars, *Exod.* 29, 13. & in *Levit*: pluries, quod alii etiam adverterunt apud *Bochartum* l. c. Verum hic *Vir Doctissimus*, persvasus lobum integrum voce denotari, vult vertendum esse, ad jecur, reclamantibus *Syro & Chaldaeo*, qui partem superiorem expresferunt: insignia sunt verba *Jonathanis* *Exod.* l. c. Et quod *Bochartus* incongruè illa reddit -- in jecoris septo. Nostram sententiam veram demonstrant etiam illa *Mosis Maimonidis* ex *Maase Korbanoth* c. 5. apud *Guilielmum Outramum de sacrificiis* L. 1, 16. de able,

ablegminibus quæ in ara cremanda erant. *Hæc sunt in bubus, caprisq;*
ablegmina; adeps qua operit intestina, quâ comprehenditur adeps, Ven-
triculi, ambo renes, eorumq; adeps, cum adipe ilibus adherente. Item
reticulû jecoris, quocum aufert is qui victimam profecat jecoris parti-
culâ: H. I. Egregia quoq; argumenta supped itarent Dictionar. R. Mar-
dochai Nathan Ant. Reuchlino interprete. It: Buxtorff. Lex. Chald. &c.
in voce שפדו. ut & quæ ap. Pagninû, &c. sunt obvia, si omnia adduce-
re liceret. Illa particula jecoris igitur necesse est ita fuerit connexa cum
omento, ut simul potuerit commodè auferri, quæ ipsa est summi-
tas orbicularis lobi maximi. Et ratio videtur subesse, cur Moses hanc
orbicularem summitatem lobi maximi ex hepatibus memoratorum
animalium voluerit adoleri, eadem scilicet, ob quam & renes fue-
runt aris impositi, scilicet quod sebum hanc partem hepatis præ aliis
sæpiusculè investiat. Siquidem in præpingvibus animalibus portio o-
menti non solum à ventriculi medio latere, sed & ab hujus protu-
berantiæ decliviori sive devexiori parte dependet. Huc forte quod
Plutarchus, de Sylla transitu in Italiam, in vita ejus memorat, tra-
hendum, quod ipsi apex hepatis laureatus comparuit. --- DEUS ei o-
mnia sancta clarissimè pronuntiavit. Nam ilisò sacrificanti apud Ta-
rentum, quo decurrerat, jecur corona laureæ & lemniscorum bino-
rum ex illa dependentium habere visum est figuram. δαΦωνς τεΦων
τόπον ἔχων ὁ λόγος ἐΦη, καὶ ἀνατίστων δύο κατηψηρόφων. Parqve
ratio videtur operimenti duplicis ap. Marcellinum L. 22. in it. Eig;
tandem aruspicina peritus Aprunculus --- nuntiavit eventus, inspe-
ctu jecoris, ut ajebat, ipse prædoctus, quod operimento duplici vi-
derat tactum, & frustra est Lindenbrog. Observ. in h. l. quando de je-
cinoribus duplicibus vel replicatis ex Plin. H. N. 11, 37. & Plin. Se-
cundi 2. Ep. 10. illud explicare satagit. Ita in vitulis, ovibus &c. me-
similiter non una vice coronatum pingvedine omenti apicem hepa-
tis vidisse memini. Ast ne quis cavilletur, Diemerbroeckii experien-
tiam meæ suffragantem addam: quippe L. 1. Anat. c. 5. observat Vir
CL. quod omentum anteriore parte ventriculi fundo & lien, ac in-
terdum etiam jecoris lobo rotundo; posteriore parte intestino colo
adnascatur. Quin Oribasius 24. Coll: 21. nostris observationibus ad-
dit robur: Adnascitur id (omentum), inquit, etiam nonnunquam,
sed rarò, jecoris fibræ, aliàs alii, & cuidam costæ spuria: neq; huic
uni perpetuò, sed ut sors tulerit. Caterum plerumq; ab alijs omnibus
libera-

liberatur atq; sejungitur, præterquam ab his tribus, Ventrículo, liene, & colo, quibus est perpetuo connexum H. I. quæ ex Gal. 6. Ad. An. verbotenus exscripsit. hoc est quod Persius Satyra 3. dicit increvisse opimum fibris, i. e. in superiori parte ipsarum apparuisse. Eapropter, quod pingvia sebacea cederent sacrificiis, quum Lex vulgum ab illorum esu sibi temperare vellet, (uti Josephus l. c. & Alcoranus Azoara XVI. Judæis autem ob suam malitiam omnia fecimus illicita -- & vaccarum & ovium pinguedines, nisi costis aut carni vel osi commissas.) etiam jothereth sive caput extorum inter hæc fuit recensitum.

S. VII. Idem confirmant Haruspicum effata, quando in tristibus extis caput defuisse, in bonis sive lætis adfuisse cum magmento, in dubiis aut minantibus geminum comparuisse, tradiderunt. Siquidem summitas illa maximi lobi orbicularis non ita liquido conspicitur, si qua morbosum hepar, & langvore aut tabe fuerit consumtum: contra vero in rectè se habentibus & præpingvibus eminent nitidè. Quorsum spectant Ciceronis illa, quæ 2. de Divinat. habentur, quibus Democritum impugnat. Democritus tamen non inscitè, inquit, nugatur uti Physicus: -- Verum is tamen habitu extorum & colore declarari censet, hoc duntaxat, pabuli genus, & earum rerum quas terra procreat, vel ubertatem, vel tenuitatem: salubritatem etiam, aut pestilentiam extis significari putat. Respondet: -- tum futurum id verisimile, si omnium pecudum exta eodem tempore in eundem habitum se, coloremq; converterent: sed si eadem hora alia pecudis jecur nitidum atq; plenum est, alia horridum & exile: quid est, quod declarari possit habitu extorum & colore? jecur nitidum & plenum; cui adfuit: horridum & exile, cui defuit caput, intelligo. eleganter quoq; Hannibalis responso ad Regem Prusiam à Cicerone l. c. reddito: An tu caruncula vitulina major, quam Imperatori veteri credere: caruncula nomine concinnè caput extorum in hepate indicans, quod victimæ defuisse historia innuit. Rarisimum autem est, geminum caput adesse i. e. hepata istorum animalium, orbicularem summitatem in lobis dextro & sinistro utrinque æquè eminentem ostendere: quum ejusmodi exempla vix apud Anatomicos occurrant, & curiosis etiam oculis sæpius licet, dicta hepata lustrantibus, perrarò futura sint obvia, quod declivior & tenuior secundum naturam pars hepatis sinistra, uti optimè, laudatus Glissonius de Hep. Anat. c. ii. declarat. Ex his tandem conjecturâ licet assequi quid cæsum caput in sacrificiis Ovid. 15. Metam. v. 794.

Vitima nulla litat, magnosq; instare tumultus

Fibra monet, casumq; caput reperitur in extis.

& apud *Liv. L. 8.* de Decio similis occurrit historia. Nimirum ubi vel vitio quodam substantia hepatis male compacta minus coheret, rimas exhibens, præter naturam, in his potissimum subjectis, contra quam *Malpighius de Hep. c. 2.* sentit; vel sulco quodam natura partes quas aliàs jungit, dirimit, quod est præter consuetudinem.

§. VIII. Præter caput extorum in hepate plura alia memorata digna fuerunt ab Extispicibus observata, in quibus referendis minus erimus prolixi, ut excursio, ad quam antiquitatis studium, suppetias Anatomicam deposcens, nos invitarat, veniam tanto facilius impetret. Recenset autem *Rufus Ephes. l. c.* potissimum *Portas, Trapezam, Macheram, & Unguem in hepate inspecta, qua quidem etiam in humano dari scribit, sed obscura & demonstratu difficilia, neq; eadem necessariò ita appellata ob usum aliquem in re Medica. αἰδε ἐν ἰερασκοπία πύλας καὶ τραπέζαν καὶ μάχαιραν καὶ ὄνυχια καλῶσιν, ὅτι μὲν ἐν αἰθρώπῳ, ἀσαφὴ δὲ καὶ ὅσα εὐδηλα, καὶ εἰς ἕδδὴν ἰατρικὴν ἀναγκασίως ὀνομαζέμεντα.* Hæc cum lobo simpliciter dicto, in quo caput extorum, quinque lobos hepatis, ni fallor, *Hippocrati L. de ossum naturâ* confecerunt. Ubi ille lobum maximum dextrum, in quo fel est, quartum numerat, forte quod simæ partis lobi ipsi primos tres dederint, quintum verò sinister major. *Portæ* autem quid fuerunt, clarum satis: modò non venam quis per illas intelligat, quippe hæc in singulari numero *Portæ* nomen habuit, uti *l. c. Rufi* ostendit, cujus proximè antecedentia hæc sunt: *Πύλη δὲ ἥπατος ἢ Φλεψὶ δι' ἧς ἢ τροφὴ εἰστέχεται. αἰδε ἐν ἰερασκοπία πύλας &c.* *Portæ* vero hepatis *Vena* illa per quam alimentum ingreditur sed que in *arsuspicinâ* *Portas*. Atque ita plurali numero hos lobulos sibi invicem oppositos, per quos tanquam fauces, *Pylarum Græciæ* æmulas, *Vena umbilicalis* transit, plerique vetustissimorum omnes *Portarum* nomine insigniverunt. *Hipp L. de Anat. Arist. 1. H. A. 17. L. 7, 8. & Polyanius L. 4. in Attalo apud Bocharium, ἡ μάλιστα διεξίω ἴσος λοβός, καὶ τὴν χολήν, πύλας τε δὴ, καὶ τραπέζαν, καὶ ὅσα ἄλλα σημεῖα κατὰ τῶν.* *Vates perlustrans lobos, & fel, Portas etiam, & trapezam, & omnia alia signa perpendens H. I. Hesychius, Nicander &c. Latini sic sum dixere, si Salmasio fides habenda Plin. Exercit. in Solin. p. 1290.*

Exta de jecore cujus propriè fissum dicebatur, eratq; quod Græci πύλην vocabant. Sed nullum citat Autorem: potest tamen ex Cicero- nis Libris de Divin: illud conjici, (in quibus sæpissimè fissi in exis occurrit mentiō) imprimis ex L. 2. aut quomodo est collata inter ipsos (observatio) quæ pars inimici, quæ pars familiaris esset, quod fissum periculum, quod commodum aliquod offenderet? --- in seqq. fissum familiare & vitale habet. fisco respondet Herophili illud apud Gal. 6. de Adm. Anat. de sima parte: αφομοιωται δὲ κτλ Ἰστο Δροφαγῆντι, καθὼ καὶ τοῖς ἐμβρῶσις ἢ ἐκ τῆς ὀμφαλῆς φλεψ εἰς αὐτὸ ἐμπέθουκεν: ubi viam quam Vena umbilicalis comecat cui- priam intervallo rupium juxta interpretem, sive hiatus potius assimi- lat. hâc enim specie aliquoties vidi egregiè, in vitulino præprimis, ubi velut speluncam subiens Umbilicalis per Portas illas intro descen- dit. lobulos autem arcifinnios, quasi Venæ aggeres Hipp. L. de Anato- me innuit: de Hepate: ὑπερκορυφώσις ἔχον δύο, ἅς καλεῖται πύ- λας, ἐν δεξιῶσι τόποις κεκίμενας. Protuberantias habens duas, quas vocant portas, in dextris partibus sitas. rectè in dextris, quia ad dex- trum lobum spectant, posito quod suspensorium in duos quasi lo- bos majores dirimat hepar. Ita enim ὑπερκορυφώσις sive eminenti- æ fuerunt dictæ, Lobi inquam: quod nostram sententiam de Lobo specialiter pro capite extorum sumto confirmat. Quippe Hipp. l. c. sub init. De Pulmone: αὐτὸς δὲ ὁ πνεύμων πέντε ὑπερκορυφώσις ἔχων, ἅς δὴ καλεῖται λοβὸς. Quinq; protuberantias habens, quas ve- rō vocant lobos. Non alienum tamen erit, aliquando & Venas per Portas in plurali intelligi, uti ex corrupto Hesychii loco est videre: Porta, Aristophanes in Comædia Telmisesenses a sacrificiis dicit. Ipsi enim inspicunt conversiones hepatis & venas. Quare & vias por- tis appellant, Poëta enim nequaquam Portam in singulari dicit, sed in plurali. Idem in καρδιολία, πύλαι καρδίας ubi per pylas cordis vasa videtur intelligere. sicuti in Scholiaste Nicandri, quem s. seq. da- mus, Porta in singulari denotat lobos memoratos.

§. IX. Trapeza autem quæ Extispicibus dicta, minus est per- spicuum. Bochartus Hierozo: Par I. L. 2, 45. Col. 501. ex Hebræis Auctores adducit, qui jothereth hepatis idem quod τράπεζαν volue- runt; Trapezam verò hi putarunt cum Latinorum fibra paria facere,

αιθήναι huic sententiæ Vir CL. adscripatur. Verum ex Nicandro in Theriacis v. 559. seqq. quem allegat, illud minimè evincetur.

Ἡ δὲ ἀπό κάπρη

Ἡπατὸ ἀκρότατον κέρως λοβόν, ὡσεῖ τραπέζης
ἐκφύεται, ὡσεὶ δὲ Χολῆς σχεδὸν ἢ δὲ πυλῶν.

Aut ex apro extremum (rectius supremum) jecoris lobum detondens, qui ex trapeza nascitur, & ad fel vergit, & jecoris portas. Ad quæ verba Scholiastes: τραπέζα, καὶ πυλῆ, μέση ἰνὰ εἰσὶν ἐξημιλία τῆ Ἡπατὸ, ὡσεὶ καὶ ὄνυξ, καὶ μάχαιρα καὶ κἀνεον. Trapeza & porta, (in singulari secus quam supra citati) sunt partes quædam hepatis adhaerentes, ut Unguis, & gladius & canistrum. Ex his illud colligitur, quòd rectè cognito capite extorum in hepate, hoc excipiat trapeza, & videri illam partem quadratam planam, quæ prope fellis vesicam, aut Portas memoratas, contingit. quæ ipsa pars si quis diligenter vitulorum, boum, ovium, agnorum hepata intueatur est ipsissima sinistra hepatis, post orbicularem summitatem declivis ad crenam, ubi vesicæ fellis confinium & portas attingit descendens, quadratam figuram exhibens. Hesychius de Trapeza hæc solum habet: Δόλις τραπέζα, ὅτι τῆ Ἡπατος σημεῖον ἐν θυρεῖ. Doli trapeza, in hepate signum in extriscinâ. Theophilus Protospatharius de fabrica humani Corporis L. 2, u. allegatur à Bocharto, quòd jecoris quatuor lobos nominari ajat, τραπέζαν, ἑστῆαν, μάχαιραν, ἠνίσχον. Causas autem, cur ita nominentur, ex Auctore isto non addit Bochartus. Ego ex Ruso Epheso notavi etiam in aliis partes latiores Trapezæ vel Trapezarum nomine nuncupatas. Ita ille L. de Part. Corp. humani Τραπέζαι δὲ τὰ πλατῆα τῶ γομφίων. (eadem L. i. de Partib. C. H. sed in singulari Τραπέζα) quæ Oribasii interpres 25. Coll. i. reddit, Mense, late molarium summitates. &c.

§. X. ΜΑΧΑΙΡΑ quæ pars fuerit dicta difficulter ex Auctori- bus elicitur. Eminentiam sive lobulum fuisse certum est. Sed extantior & pendulum, qui in memoratorum animalium jecinoribus conspicitur, in superiori parte dextri lobi, supra fel, prope Venæ Cavæ exitum, fortè non incongruè ipsâ notatum diceres. Illum enim videre est in ovino potissimum, sed & in vitulino, brevis pugionis latiusculi instar; quod μάχαιρα vult, unde à Suida per σάβην explicatur. Verùm non vacat his diutius immorari. Verbo etiam dicam

dicam *ONTXA* esse incisionem quandam, cujusmodi sæpius observavi, in planiori parte: *aliquando* absq̄ve ullâ protuberantiâ notabili, in vitulino; atq̄ve maximâ parte annexam, ut rimam magis exhiberet vel hiatum latum, quam lobulâ liberum: *aliquando*, in ovino potissimum, ex adverso machæræ superioris, mediæ Venæ Portæ incumbentem, verâ effigie unguis majoris, pollicis, particulam instar lobuli liberè pendulam adverti. Ejusmodi incisionibus loborum appellationem tributam, pulmones argumento sunt. Cæterum quod Panætii *Κάβεον* sive canistrum, vel Theophili *ἡνίοχον* aurigam attinet illis, quibus ejusmodi sunt cordi, Grammaticis relinquimus. Certum est quod præter Portas, Trapezam, Machæram, & Ungvem, plures incisiones, vel eminentiæ, lobulorum æmulæ in diductorum animalium hepatis lusu quodam naturæ conspiciantur; aliquando in machærâ alia atq̄ve alia hujusmodi incisa vel fissa observavi; aliquando in aliis partibus. Nobis satis est monstrasse Extispices etiam minima partium discrimina esse scrutatos, inprimis in Hepate. Præter dicta etenim & Venas hujus accurate inspexerunt. Cui testimonium præbet *vetus Interpres Lucani in 1. Pharsal. apud Brissonium L. 1. de formul. Diverse, ait, sunt Venæ, quas haruspices cellas dicunt, hostium, amicorum, & alia hujusmodi. Cum ergo accipiunt jecinora, intelligunt quæ cella nec eat, quæ pars saliat. igitur dum vident de hostili parte venarum pulsus emergere, significari prælium recognoscunt.* Hanc de pulsu Vasorum hepatis Extispicum observationem experientia Anatomicorum nostræ ætatis passim confirmat, *Glissonii, Diemerbr. Barthol. &c.*

CAP. IV.

I. In aliis partibus itidem animadversum, quæ secundum naturam, quæ præter naturam, quæ prodigiosa: e. g. in Vesica fellis. II. Item in Corde & Pulmone. III. In sanguine totius corporis. IV. Extispices cognovisse quidpiam de Generatione animalium; item de usu partium. V. Quod non solum pecudum, sed & aliorum animalium partes cognoverint, imò hominis. VI. Summa illorum quæ Extispicina Anatomice contulit. quod præterea administratio-nes suppeditavit e. g. quomodo cor eximendum. VII. Quod rudis fuerit anatome Extispicum & suspecta. e. g. an Cor defuerit? an fuerit geminum? an hepar defecerit unquam?

§. I. Sufficeret exemplum hepatis demonstrationi peritiæ quæ-
 liscunq̄ve in Extispiciis, & usus exin in Anatomicam redundantis,
 Paucitamen attingemus, quod parili modo in cæteris partibus anno-
 târint, quæ naturâ vel secundâ, vel adversâ, vel monstrosâ sive prodi-
 giosâ evenerint. Vesicam fellis quoq̄ve rimati, cum Cicerone judi-
 ce L. 2. de Divin. de Gallinaceo felle; fuerint, qui vel argutissima,
 hæcexta esse dixerunt. Et ex Aristotele i. H. A. 17. Citato c. I. §. IV. pa-
 tet sacrificantes ad ejus magnitudinem respexisse. Idem confirmat
 Scholiastes in Euripid. Phœnis. Act. IV. apud Brisson. Vates deniq̄,
 oves mactabant, ac ignitas acies, & naturas observabant, contra-
 riumq̄, humorem. Fellis rupturas, inquit, inspiciabant faciem in-
 terpretantes. Observant vates fella -- sacrifici enim quando de hosti-
 bus volunt vaticinari habentes fel definiunt. amari enim hostes --
 alii verò summam faciem fel dicunt in hepate. Signum enim est victo-
 riæ & Gladii. Infausti autem erat ominis quæ decolor bilis. Unde
 Seneca Trag. in Oedip. v. 358.

Et felle nigro tabidum spumat jecur.

Rarum fel geminum apud Plin. L. 11. H. N. c. 37. & apud Plutarch.
 in Arato: λέγειται γὰρ ἔτι πάλαι Ἰουλιῶν Ἀργείων, δύο χολὰς ἐν
 ἡπατὶ Φανίνας μιὰ πικρὴν πᾶσι χορδαίαν. Pingvedine obductas vesi-
 cas fellis opimi boves, &c. conspiciendas præbent sapiens: in græ-
 præpingvedine emortuo & aliis quibusdam generibus animalium
 idem adverti. Gemina autem forte potuit & porus bilarius dila-
 tatus affinxisse.

§. II. Cor quoq̄ve peculiariter ipsorum fatigavit industriam:
 ejusque alia fuit facies, quando in tristibus; uti apud Lucan. L. 1. cit.
 Cor jacet. & Sen. in Oed. Cor marcet agrum penitus, ac mersum la-
 tet. alia, quando in lætis extis erat positum. uti apud Plin. L. 11. 37.
 H. N. In Corde summo pingvinitudo est quedam lætis extis. Eadem
 ratio fuit Pulmonis. Cic. 1. de Divin. quod difficile dictu, quæ cu-
 jusque divinationis ratio, quæ causa sit: Quid enim, inquit, habet
 haruspex, cur Pulmo incisus etiam in bonis extis dirimat tempus, &
 proferat diem. Lucanus l. c. de illo malè affecto:

— — — Pulmonis anbeli

fibra latet, parvusq̄, secat vitalia limes.

& Sen. l. c.

— — — non animæ capax

In parte dextra pulmo sanguineus jacet.

Longum

Longum foret de Liene, renibus, intestinis &c. visceribus similia colligere, peculiarem illud sibi deposceret operam. Conf. *citati* C. II. §. IV. Auctores.

§. III. Præter viscera, & in illis, vasa aut humores, totius corporis vitalem succum, purpureum illum sanguinem ejusque alveos sunt profecuti. Non solum *Lucanum* & *Senecam* legentibus illud liquidò constabit, sed & *Strabonis* quæ de Lusitanis refert, L. 3. *Geogr.* intuentibus idem fiet palam. *Immolando studentes sunt Lusitani. Viscera vero inspiciunt non excindentes. consulunt insuper & in latere venas, & tangentes divinant.* Cujus rei argumenta quoque ex *Hippocrate* C. I. §. IV. attulimus.

§. IV. Quin & de generatione animalium potuisse Extispicinam quidpiam cognoscere, indicio sunt *fordicidia*, de quibus *Alex. ab Alex. §. Gen. dier. c. 25.* In *fordicidiis sacris*, quibus *hostias quæ uterum ferunt, immolare præcipitur, si fœtus biceps, aut mancus in utero esset, vel interaneis exulceratis appareret, exta ejusmodi imminentiæ malorum nuncia esse creditum est.* quod ex *Var. §. ling. Lat. & Festi Pompon. L. 6.* hausit: *Fordicidiis boves fœda, i. e. gravida immolabantur, dictæ à fœtu: quæ Ovidii est allusio 4. Fastorum.*

Forda, ferens bos est: fœcundaq; dicta ferendo:

Hinc etiam fœtus nomen habere putant.

Neq; solum partium numerum vel structuram Extispices addidicere, sed & Usum advertere, cum in vivis exta consulerent. Ejus rei documentum C. I. §. IV. ex *Galeno* dedimus. fuisse autem moris, vivorum intueri exta, ex numero multis Auctoribus probabitur. *Virg. 12. Æn. v. 213.* seqq. *Ovid. Metam. passim. Juven. Sat. 6. v. 547.* Conf. *Sen. Trag. in Oed. v. 391 & 353.* item in *Thyeste A. 4. S. 1.* *Arnob. adv. Gent. init. L. 7.* *Ficinus in 5. Ennead. III Plotini. Jamblich. de Myster. Æg. S. V. c. 10.* *Orig. contra Celsum Sc. Porphyr. de Abst. Sc.* Ex quibus elici potest ratio, scilicet quod Deos nidoribus ali credent.

§. V. Præterquam autem quod pecudum, & plurimorum aliorum animantium viscera contrectarunt Extispices: uti enim *ap. Juven. Sat. 6. v. 547.* seqq. Columbarum pulmonem tractasse leguntur; ita &

pectora pullorum rimatos, exta catelli

ex eodem addiscimus. Verum non licet commentari in gentiliura sacrificiorum diversitatem: *Sextus Empir.* 3. *Pyrrhon. Hypoth.* quod quæ ad sacrificia --- pertinent, omnino inter se valde discrepent, probaturus, adducit exempla: *Serapidi*, inquit, *nemo unquam porcum immolaverit, at Herculi & Esculapio immolatur. Ovem Isidi sacrificare nefarium, at illi quæ mater Deorum vocatur & aliis Diis mactatur --- felem Alexandria sacrificant Hero, & Thetidi blattam --- equo litant Neptuno --- capras Artemidi ---*. Ex quo manifestum est & pecorum & aliorum animantium varia genera Extispicinæ cesisse. Et quod mireris, nefario licet ausu, scrutatos quoq; humana viscera, monumentis historiæ traditur. Neq; enim contenta barbaries quorundam, immolasse (cujus passim meminere, historiæ *Conf. Alex. ab Alex. 6. Genial. dier. 26. & Porphyr. 2. de abstinent. §. 51, 53. seqq.*) aut ex casu signa collegisse. (*Strabo L. 4. Geogr. de Gallis. ἀνθρώπων καί ποσειδωνον παύσαντες εἰς νῶτον μαχαίρα, ἐμαλδύοντο ἐκ τῆ σφαδάσμου*;) Sed interanea ad hæc hominum consulta crudelis quorundam voluit disciplina, frustra dicente *Plinio L. 28, 1. H. N. aspici humana exta nefas haberi*. Siquidem his extis plus tribuerunt fidei, uti *Porphyr. testatur l. c. §. 51. Φαίη γδ αἰνίς, ὅτι πολὺ μέγος αἰαιρέτων μαλείας τῆς Διὰ σπλάγχνων, ἀπειχόμενοι τῆς τ ζῶων αἰαιρέσεως. Οὐκ ἔνι ὁ τοῖστος αἰαιρέτω καὶ τὰς αἰθερώπας. Ἐπιφαίνεται γδ μάλλον, ὡς φασι, τοῖς τε τὰ σπλάγχνοις τῶ μέλλοντα καὶ πολλοῖς τ βαρβάρων δι ἀνθρώπων σπλαγχνοδοντες. Diod. Sic. L. 5. (alii 6.) c. 9. de Celtis: --- hominem enim immolantes feriunt ense super septum transversum, quo decidente, tum ex casu, tum ex membrorum laceratione, tum etiam ex sanguinis fluxu, ex quadam antiqua rerum observatione, norunt futura. Strabo l. 3. Geogr. Lusitanis etiam vetus mos erat, ex intestinis hominum exta prospicere, atq; inde omnia & divinationes captare. græcè: σπλαγχνοδοντα ἢ καὶ δι ἀνθρώπων ἀχιμαλώτων, καλυπτοντες στήθεις. Εἰδ' ὅταν πληγῇ τὸ σπλάγχνα τὸ τῆ ἱεροσκοπία, μαλδύοντα, πρῶτον ἐκ τῆ πᾶμαλδου. Solini *Polyhistoris* illa c. 52. de moribus populorum Indiæ dissonantibus huc faciunt: *Sunt, inquit, qui proximos parentesq; priusquam annis aut agritudine in maciem eant, velut hostias cadunt, deinde peremptorum viscera epulas habent; quod ibi non sceleris sed pietatis loco numerant.* (ex *Pomponio Mela & Hero-**

Herodoto juxta *Salmas. p. 1004.* non ex Archelao & Juba, quos Solinus citat.) Inprimis Necromanticis hujusmodi extispicia fuerunt in usu. Indicio est *Gregor. Nazianz. Orat. 3. adv. Julianum* ubi de cædibus Apostatae: *ὁ μόνον τῶν ἀνατεμνομένων παιδῶν τε καὶ παρθένων ὀπί ψυχαγωγία καὶ μαγεία καὶ ἰσοσίας ἔνενομισμέναις. Hesiychius* quoq; *Ἐντομίδες, ζυσιμὰ ὄψεως γινόμεναι, καὶ τοῖς λοιποῖς σώμασιν ἐπεμόμεναι, τισὰτα δὲ εἰώθησι ποιεῖν ἐν τοῖς νεκροῖς αὐτῶν οἱ ἄπιστοι.* Conf. *Niceph. H. E. 6, 10.* de Valeriano: & *L. 7, 21.* de Maxentio. & ante hos *Juvenalis l. c. Sat. 6.*

— — rimabitur — — exta — —

Interdum & pueri: faciet quod deserat ipse.

§. VI. Has Extispicina primas Anatomica duxit lineas, nomina imponens, membra recensens, particulisque eadem distinguens, non neglecto prorsus usu; idque non in uno, neque in viliori solum genere animalium, sed & in ipso, cui os sublime caelumque tueri est datum. Praeterea est adhuc emolumentum quod administratōnibus contulit. Multae enim ipsorum *ἐγχερήσεις* rem Anatomicam juvare potuerunt. Exemplum dedimus *C. I. §. IV. ex Hippocrate,* de Corde à Victimariis exempto. Sanè peculiaris ingenii opus hoc fuisse, ostendit *Gal. 2. Pl. H. & Pl.* quando neque thoracis, neque aliam concavitatem esse perforandam, monet, iis, qui cor demudant. & saepius quidem *Galenus* hujus instituti mentionem injicit, sed quod sciam, modum non detegit, nisi *6. de Pl. H. & Pl.* ubi haec ejus extant. *Cæterum cor nudatur thorace non confecto, modo cartilago mucronata fuerit excisa prope quam suspensum est cordis involucreum, quod pericardium dicitur. conf. 7. Ad. An:* ubi tamen obscurior est. Hanc *ἐγχερήσιν* se habuisse à Victimariis ipse tacite fatetur *L. 2. de Pl. H. & Pl.* Atque ex aliis Auctoribus notum est, singulari modo cor fuisse ab his exemptum, ut scilicet neque thorax, neque abdomen, sed pericardium unice aperiretur; quo ipso etiam contigit, ut, Corde licet evulso, voces edere, vel aufugere potuerint hostia. *Maimonides L. de Idololat. c. 7. §. 3. -- etiam de unguis, pelleg, ejus -- questum facere vetatur, quod si in pelle nota foret, & indicatum, pellem eam Idolis esse oblatam; ut fiebat, cum rotundo foramine ex adverso cordis facto, Cor per illud extraherent, ex pelle hujusmodi inconcessum erat luxurum, ut & cæteris talibus. H. I. Vosius in b. l. Tradit Maimonides in notis ad Misnajor, hunc fuisse cultum gentilium. Videntur gentiles (si Hebraeos audimus, qui tamen unde illud hauserint, nescio) ad extrahendum*

E
bendum

hendum cor animantis, foramen circuli, aut potius Cordis formâ fecisse; Et si foramen illud per errorem in longum disruptum fuisset, illam pecudem pro inutili ad sacrificia habuisse. Habes idem in Aboda Zam. c. 2. §. 4. Raban Simeon Ben Gamaliel ait, quando incisura est orbicularis, prohibitas esse (pelles), ubi oblonga, licitas. Pelles ea, quibus incisura rotunda est, vocantur ibidem pelles cordium. H. I. Vossum sequitur Saubertus, sed neuter, uti ex nostris liquet, mentem est assecutus. Maimonides l. c. de Idolol. §. 12. illas pelles perforatas vocat. Itidem si pellis perforata pellibus sit aliis admixta, usus omnium earum est interdictus. Ad hunc morem respexit Lucianus de Sacrif. ubi inter alia sacrificus ab ipso καρδισληκῶν appellatur. ἀνατέμνων καὶ τὰ ἐγκάτα ἐξαίρων, καὶ καρδισληκῶν. Suid. καρδισληκία τὰς καρδίας ἔλκειν τῶν θυμάτων Conf. vox καρδιωσάμδος. & Hesych. καρδισληκία. Aliam ἐγγέσησι memorabilem C. I. §. VI. ex Oribasio attulimus, cujus etiam Galenus meminit loco infra C. V. §. III. adducendo. Hac summa sit beneficiorum, quæ Extispicina in Anatomicam contulit.

§. VII. Fuit tamen sine dubio, *vetus illa Anatomica*, cum maximè nascens *rudis*: non minùs quàm cæteræ artes, quarum in processu, ut Sen: Ep. 95. loquitur, *subtilitas crescit*; utut memoratas de partium appellationibus, structura, numero, & usu; peculiariter de habitudine, tam quæ secundum naturam, quam quæ præter eandem, aut etiam præter consuetudinem se in victimis obtulit: observationes ab Extispicinâ acceperit. Credibile enim est, multa falsa vanæ plebeculæ, aut superstitiosis animis haruspices persuasisse, multa etiam ignorantes insolita effinxisse. Sic Cor opimis victimis defuisse plura veterum monumenta, Plin. n. H. N. 37. Valer. Max. l. 1, 6. §. 13. Sc. tradunt, ut hinc adeò disputarint acriter qui id fieri potuerit, ut sine corde victima vitam duceret. Vid. Sen. 2. Quæ. Nat. c. 32, sed rectè negligentia haruspicum ita apparuisse innuit Cic. 2. de Divin. Ego enim, inquit. Quinctus, *possum vel nescire, quæ vis sit cordis ad vivendum: vel suspicari, contactum aliquo morbo bovis exile, & exiguum & vietum Cor, & dissimile Cordis fuisse.* V. & c. ut nequicquam hoc infringatur effatum Philosophi 4. G. A. 4. asserentis, *quod nullum absq; corde extiterit animal.* Si qua etiam bina corda visa referuntur, incuriæ illud deputandum, quamvis Plin l. c. in Paphlagonia bina perdicibus corda, ex aliis referat. Galenus illum errorem detexit 7. Ad. An. docens, quod dexter ventriculus cordis in magnis animalibus propriam circumscriptionem

ptionem habeat, nonnunquam verò etiã in minimis. Nam gallum, inquit, quispiam diis sacrificans cor invenit duobus fastigiatum verticibus: deinde ratus id esse augurium, hujus interpretes disquirebat. Casu autem in me incidens, duo in uno animalie corda, cum diis sacrificaret, se invenisse dixit. Atqui duo non erant, ut arbitrabatur, sed dextri vertex circumscriptionem peculiarem habebat. H. I. Simili errore quidam testudini tria corda attribuisse legitur in *Actis Philos. Anglic. an. 68 m. jun* quippe quod auriculas instar ventriculorum à lateribus pendulas, singulari in hoc animali cordis compage, magnitudine ipsum viscus adæquantes observaverat. *Conf. Elian. H. A. 147.* de duplici corde Elephantii ex Maurorum sententia. Et toties illis, qui nostris interfuerunt anatomis, exhibita sunt corda Embryonum quasi gemina, cum in his humidior natura nondum adunãrit plesius ventriculi dextri commissuras. Parem fidem puto mereri, sicuti Hepar defecisse traditur. Verissima enim Philosophi sententia, quod necessarium hoc viscus in nullo animali prorsus desit; mancum verò & oblæsum adesse contingit: Neque enim illud, quod de Matthiæ Ortelii cadavere fertur, ne vestigium quidem vel hepatis, vel lienis fuisse inventum, uti habet *B. d. Linden Med. Phys. Barthol. Anat. Sc.* veritati perlitat, siquidem *Malpigh. de Hep. c. 8.* sat multa istius hepatis vestigia legit. Quæ autem *Schenckius* refert de planeputrido & foetidissimo, de quæ alio, cujus substantia ferè absorpta, ipsiusque loco putrilago ac purulentia tanquam in sacco fuit inclusa; Philosophum habent consentientem.

CAP. V.

I. Quid culinaria rudiori Anatomice contulerit, quod coqui victimariorum munus obierint, iidemq; auctores fuerint technarum, quibus superstitiosa plebs inter sacrificandum clusa. II. Quod laniens fuerint periti. III. Eapropter ab Anatomis sunt allegati. De diverso suæ feminæ castrandi modo, Galeni & Sorani loca. IV. Quod apud Judæos laniena solum natales dederit Anatomice. Quod hi in sacris non instituerint extispicia, contenti exterioribus notis, quas & Egyptii observarunt. De more coronandi victimas gentilium. V. Quod Judæi viscera animalium, quæ in domesticum usum mactantur, sollicitè inspiciant, ut sanum à morbofo distinguant. quas partes contemplantur. de promptitudine in cædendo. de enervatione carniùm.

§. I. Aliquid emolumenti à *Culinaria* etiam arte in Anatomica redundavit. quippe cum coqui tam poparum sive victimariorum quam lanionum expedirent munia, ab his varias *εγχειρήσεις* addidisse primum veteres, sit vero quam simillimum. Fuisse sacrificiorum ministerio occupatos coquos antiquissimorum, plurima arguunt. *Athenaeus l. 4. Deipnosoph. 31.* Non est igitur admiratione dignum, si antiqui coqui sacrificiorum etiam erant periti. Nam & sacrificiis praerant & nuptiis: ubi plurima est legere de coquo, quem Olympias tanquam sacrificiorum peritum Alexandro M. commendarat. *Conf. Plutarch. Quaest. Conviv. 6, 10.* de Aristonis coquo. Sanè videntur hi potissimum fallacias obtrusisse vanæ superstitioni sacrificantium, auferendo partes, quarum situm ipsi pernoscerent, quod in omen stulta plebecula vertebat, cum furtum deprehendere non valeret. Talium clandestinorum furtorum de coquis historias refert *Athen. 9. Deipnos.* Quin ut hac furandi arte excellerent ipsos studio impensè egisse ex *Euphrone c. 6.* notat.

Lusisse non licet, nec illa ostendere.

Quæ vix didicisti heri periculans. tibi

Non gobius, non hepar omnino ullum erat.

§ cap. seq. ex eodem:

*Cani senes Deis ferebant victimam,
Hædum tenuem parvumq; , nulla elatio
Erat, vel ipsi carniū magistro, at hinc
Mactare rogans alteros boedos duos.
Tunc hepar horum sapius fessum sinens
Unam manum latens deorsum ac in lacum
Renes jaciens audacter, atq; plurimum
Faciens tumultum, non habet renes fero.
Vertère cuncti mox deorsum lumina,
Mactatur alter inde, te cepisse cor
Vidi ipsemet simul secundi.*

Et ex *Dionysio Comico*: Coquus ad discipulum disserens.

Si quodpiam frustum later, & hoc est tuum &c.

§. II. Fuisse quoq; laniena peritos patet, quum variis animalium mactationem administrandi modis præstiterint coqui. *Athenaeus 14. Deipnos. 31.* Ubi de coquis multa: *Alius autem, pergit, loquitur apud Simonidem, quot modis carnes peritus concidat. Quid enim mali*

mali mihi est obscurum? ita l. 9, 6. introducitur coquus de arte sua glorians, cum à convivis exquireret jactabundus, an nosset ostendere, ubi suam jugulasset? *Sed neq, quisquam est vestrum*, inquit, *qui ubi sit jugulatus demonstrare possit, aut quo pacto ejus venter multis rebus bonis sit repletus.* Quod arcanum neqve aperire vult nisi multum rogatus. c. 7. tandem, *Quod attinet*, inquit, *ad semielixum, semiaffarium, ac non jugulatum suam, percussus est sus sub humerum vulnere per exiguo, idq, demonstravit.* postea cum multum sanguinis defluisset, omnia inferiora cum ablatione vino sepius diligenter lavi, ex pedibusq, suspendi -- multumq, jus bene conditum per os infudi.

S. III. Hinc adeo factum precipue, ut coquos aliquando ab Anatomicis allegatos inveniamus. *Galenus in L. de nat. hum. Com. 2.* impetritiam Auctoris fragmenti, quod ille Hippocratis esse negat, redarguens: *Et quis præterea est nedum medicus, sed nec coquus, qui nesciat, sanguinem à corde -- pulmoni per venam unã subministrari?* S. 2. de Fac. Nat. 4. in Erasistratum: *Quæ quidem si prorsus ignorat, coquo paulo est in dissectionibus peritior. uti L. 1, 13. (p. 375.)* in Aesclepiadem: conf. 2. de Pl. H. & Pl. quæ pro Cerebro motus voluntarii principio ex raurorũ laniena observavit. It. quæ habet r. de Sem. 15. de foeminis suis, quas refert non solum in Asia, sed etiam in gentibus supra Asiam sitis usq; ad Cappadociam castratas, ut tamen solas testium excisiones intelligat, quemadmodum l. 2, 4. idem explicatur. *Soranus vero in L. de Matrice sub fin.* habet in Galatiã ipsos uteros suis excisos. *ἐν γαλατία δὲ* inquit, *ταὶ οὖς ἑτεροτέρας γίνεσθαι, φασὶ μὲν ἴσω ἐκτομῆν τῆς μήτρας.* In Galatiã vero sues pinguiore fieri tradunt post excisionem matricis. Atq; Eruditissimus v. d. *Vindem in Med. Physiol. c. 6. art. 10. §. 58.* non verecundatur annotare, sectionem à dorso institutam: *quomodo*, inquit, *porcos eviscerant nostrates suicidæ.*

S. IV. *Apud judæos* autem potissimum ad Laniones Anatomica suos natales referet: siquidem vix ulla præter lanienam apud illos obtinuit unquam anatome. Neq; enim uspiam legimus in sacrificiorum cultu extispicia instiguisse; fortè quod ab hoc idololatrarum proprio more abhorruerint. Exteriores solum notas in victimis accuratè illustrarunt, in tantum, ut *Bochartus P. 1. E. 2, 50. Hierozo. ex Maimonidis L. de ingressu Sanctuarii c. 7.* quinquaginta *L. de Maturatione c. 10. Sect. 9.* septuaginta recenscat. Quod etiam Ægyptiis in usu fuisse *Porphyrius 4. Abst. §. 7.* tradit; ubi recensuerat varia quæ observarent in animali ma-

stando: *μυσία δ' ἄλλα ὡς εὐαγγελιστοὶ, καὶ τῆς περὶ αὐτὰ τέχνης τῶν καλεσμένων μαθητῶν, ἀλλὰ συντάξεων πρὸς γὰρ βιβλιακῶν.* Infinitæ autem hujusmodi observationes de eorum etiam arte qui vitulos signant, eò tandem progressæ sunt, ut de iis libri conscribantur. H. I. Perfectissimum enim Diis offerebant, unde & coronandi victimas mos invaluit. *Vid. Athen. 15. Deipnos. §. ex Aristotelis Symposio: plenum enim & perfectum esse videtur corona. Lucian. de Sacrificio: -- primæ fertis coronant pecudem, καὶ πολὺν χρόνον ἔξεντάσωντες εἰς ἐντελὲς εἶη -- ubi multo ante exquisivere, an perfecta sit.* Conf. *Macrob. 3. Sat. §. &c.* Cæterum, ut dixi, exta non consuluêrunt Hebræi, contenti ritè à Lanione in partes dissectâ victimâ. De quo more secandi illustris locus est, quem *Wülferus* ad *Tr. Schebalim c. VII. n. III.* in Annotatis ex *Maimon: Maase Korba:* produxit, quomodo in partes holocaustum fuerit sectum.

§. V. Verùm quæ in domesticum usum macstant animalia, illorum viscera sollicitius quam ulli gentilium Haruspicum Hebræi scrutati leguntur. Quare magnæ artis apud illos existit macstandi ratio, utpote cum huic rei multo studio incumbant necesse sit, priusquam à Rabbinis diploma accipiant, qui digni sint lanionum ordini ut accenseantur. His autem solum illud curæ est, quod interanea attinet, ut morbi & sanitatis notas inspiciant, insolitorum non ita ipsos tenet studium. Præcipuè ad *Pulmonum* condiciones advertunt animum, an aliquo vitio laborent, cujus insigne exemplum extat ap. *Wülferum in Theriac. Judaic. Animadv. in c. III. §. 14.* ex *R. Mardochai Japhe;* & è regione cordis facto foramine immissa manu, an quicquam adnatum, an sanguinis grumi uspiam hæreant, an aqueis pulvulis pulmo sit adfectus, aut jecur, explorant, quod vel minima labes carnis usum ipsis eripiat. Et de administratione macstationis peculiare libri ab illis conscripti, uti videre est ex *Buxtorf Synagog. judaic. c. 36.* Peculiaris eorum promptitudo in cædenda pecude, uno vel altero ictu, nempe cultro prorsum ac retro acto, quippe cum pecus terreri, & sanguinem in corde cogi autument, ut effluere nequeat, si pluribus ictibus cædes perageretur. De quibus ritibus *Moses Maimon. in Schechita c. 2. §. 3.* qui & in *Maase Korbanoth c. 4.* modum exponit, apud *Guilicel. Ovinum L. de Sacrific. c. 16.* Cultivarius quomodo agit? gulam, asperam arteriam, venasq; juguli manu prehensas medie patere admovet. Easque earumve partem saltem maximam persecat, ut omnis in eas sanguis effluat.

effuat. H.I. Venas item & arterias ex magno pecore curiose à judæis eximi, ut nunc armi quoq; posteriores hujus artis beneficio edules in Italia sint redditi, observat *Buxtorf.* qui etiam vult, ex hac pecoris mandandi, vitii interni inquirendi, carnis enervandæ solertia & dexteritate oriri Judæorum Medicos.

COROLLARIUM

De argumento infanticidii ex pulmone.

I. *Cl. Raygerus in Ephem. Germ. an. VI VII. Obs. 202. argumentum indubitatum ad convincendum infanticidas, & indagandum veritatem, an infans in utero mortuus, vel demum post partum quodcumque modo strangulatus aut occisus, ex pulmone aque imposito credit: Qui si subsidat, non hausisse vitales auras; sin, elisum viventi spiritum arguit.*

II. Dignam hanc nostris studiis, materiem rati, præprimis cum difficile sit id genus hominum convincere, qui ut facti conscientia lateat studio impensè omnia moliuntur. Atque, quod *Buxtorf. Synag. Jud. c. 4.* ex Talmude refert; obstetrices posse occidere infantem, ut non conspici vel animadverti queat, manum scilicet impingendo frontis sive cerebro ipsius, ubi est mollius: in parricidali hoc facinore non minus evenisse loquuntur *Fasti.* Eapropter in hanc rem non solum *Raygeri* experimenta, de vitâ editi fœtus, ad in eundem veritatis revocavimus, sed & alia istis adjicere ad laboravimus, ut si quid solidi inesset, liquido constaret.

III. *Nolumus* autem strangulatum aut occisum hisce probari, cum contingere possit, ut quem traxit ægrè spiritum fœtus, illico expirare fecerit imbecillitas: *medum* ut ex præresi intererunt eisdem demonstrari adferamus; cum errore levi tenelli corporis animula ergastulo suo exturbari queat: *vivam saltem editum fœtum an certò ex isto experimento queat cognosci, est quod disquiremus.*

II. Dubium sane movet *Cl. v. d. Sinten Med. Phys. t. 6. §. 185.* fœtum edisserens jam tum in partu multimodis laborare, labore hoc sanguinem agitari, eundemq; agitatione fervere, fervore viam sibi in pulmonem facere, & aperire aëri, mox hauriendo. Unde priusquam exeat fœtus, pulmonem jam dilatatum, partu imprimis difficili; ut vivum exiisse, ideo quod pulmo dilatatus aquæ innatat, reddatur ambiguum, cum intus solum vixisse ea res indicio sit.

V. Con-

V. Contrariâ quoq; ratione ejusdem argumenti robur infringitur, scilicet quod subsidens pulmo non argumentum sit mortui in utero perpetuum: siquidem *experimentum* cepi hujus in cane, cujus alios atq; alios fœtus ab umbilico adhuc pendulos, postquam per horæ quadrantem respirârunt, vivos dissecui, atq; exemptos cordibusq; liberatos pulmones aquæ injeci, omnesq; fundum petiisse viderunt una mecum plures.

VI. Quare licet certum sit, quod mortuorum embryonum pulmones descendant aquæ impositi, uti semper illud observarunt, qui anatomis nostris crebrò repetitis interfuêrunt; non tamen omnes quorum pulmones descendant, dicendum in utero fuisse mortuos: aut sane adjectâ quadam cautione opus habet, si scilicet fœtus partui fuere vicini, tunc pulmones mersos mortuorum in utero esse tecmiria: hi enim catuli quamvis integri essent & suo modo perfecti, proximi tamen partui non fuerunt; itaq; licet rictus diducerent, morâ etiam vitæ longiusculâ, tantum tamen aeris, quò pulmones extenderentur, ob virium defectum attrahere non potuerunt, hinc neq; vocem edere norant omnino ullam.

VII. Cœtera *experimenta Cl. Raygeri* de Pulmonibus embryonum inflatis natantibus vera in variis deprehendi; sed in exprimendo aërem, cautione opus esse addidici, siquidem ruptâ exteriori tunica pulmones subsidunt illicò; intra hanc enim adaëtus per inflationem spiritus, suspensum tenet visceris pondus, quo abeunte mergitur. Neq; etiam inflari toti possunt Embryonum pulmones, propter madorem, nisi longiori morâ, & multâ accedente industriâ, ut exicentur prius.

VIII. Sed ut veritati *effati Raygeriani* (natate pulmones eorum qui vivi editi) robur adderem, curavi afferri catulos quamprimum lucem aspexissent ocyus, atq; dissectorû pulmones cordi connexos injeci aquæ, & supremâ superficie fluitasse, nec longiori ullâ morâ mersos, oculati unâ mecum testes edisserent complures.

IX. *Tecmirium* itaq; erunt *submersi pulmones fœtus vel intra uterum mortui, vel nondum maturis viribus, utut vivi, editi; natantes verò, vel in partu, vel post eum vitâ præditi.*

X. Ut verò infanticidii rea peragatur plures circumstantiæ in consilium adhibendæ, præcipuè quod Medicum attinget, quomodo se ante partum & in partu gesserit mater; quæ enim de Procreâ inquirenda, Politicæ erunt Prudentiæ.

Rectius ut lustrare queas, DOCTISSIME
WOSCHKI,
Viscera, quæ doctis Ars fecat aucta modis.
Arte rudes artis perfectæ inquiris in ORTUS
Et quò PROGRESSU cultior hinc fuerit.
Quâ methodò cepisti, perge SCIENTIA certè
NASCITUR EX PRIMIS OPTIMA PRIN-
CIPIS.

*His strenuo Dno. Respondenti de ortu &
progressu Anatomia disputanti
gratulari voluit*

J. H. STARCKE Ph. ac Med. D.
P. P. b. t. Decanus.



Artem qui nouit, quâ surgat origine quævis,
Artis dimidium, qui bene novit, habet.
Antiquum id sapere est, rerum primordia nosse;
Qui sapit antiquum, rectius ille sapit.
Hoc quoque dum gaudes studio, Doctissime Woschki,
Et sapis atque Artis portio magna Tua est.
*Aud, pori suo gnaviter industrio
grat. f.*

PRÆSES.



Macte animò Woschki! dum tam conamine pulchrò
Omnibus exponis, qua tibi lecta domi,
Crede mihi, specimen quod & hoc ostendet abundè,
Quis labor ingenii sit fueritq; tui.

*Per Eximio Dno. Respondenti auditori suo
per biennium sedulo applaudit*

GEORGIUS RAST, Med. D. P. P.
Magnæ

Magna WOSCHKI, artis progressum quæris & ortum,
Ut DIGITI serves Omnipotentis opus.
Applaudo; hujus enim fabricam quicumque stupendam
Rimatur, medicas præparat ille MANUS.

*Per Eximio atque Præstantissimo
Dno. Respondenti Lmç.
gratulab. f.*

M. ANDREAS HEDIO,
Log. & Philof. Prim. P. P. Ord. Electoral.
Alumnor. Collegii & Comm. Con-
victor. Inspect. Prim.




Wie du von Jugend auf dir Ehr und Ruhm ersehnt/
Und embsig nachgedacht/das du mit klugen Sinnen
Als dein Herr Hartmann ist/bekähmest umbzugehn/
Bleib hierbey unverrückt/man lobet dein Beginnen.
Kennstu Hippocratem? weißt des Galeni Kunst?
Verstehst Recept und Cur? so wirstu leicht gewinnen
Der hohen Häupter Gnad/der Krancken Lieb und Günst:
Das andre wird die Zeit auch leicht zu wege bringen
Als Geld/Gut/Glück und Ehr? da zweiffel nur nicht an
Ich wünsche bald die Zeit dir Freudig zuzusingen:
So blüht/mein Freund/dein Glück/die Kunst nehet ihren
Mann

Dieses schrieb dem Herrn Respondenten
Glückwünschend

JOHANN. Behrendt/
Jur. Stud.






620859 **Bibliotheca** 10000-
P.P. Camaldulensium in Bielany

Depozyt w Bibliotece Jagiellońskiej



00417



Small rectangular label on the spine with a decorative border and illegible text.